

امور تحریریه ایچون فؤاد بکه
وامور اداره ایچون آرتین افندییه
مراجعت اولنور.

مجله ادبیات

اداره خانه سی باب عالی جاده سنده
۵۲ نومرولو « شرکت مرتبیه »
مطبعه سیدر.

استانبول ایچون سنه لکی مطبعه دن
آلنق شرطیله ۴۰، طشره لره پوسته
اجرتیله برابر ۶۰ غروشدر.

مسلکمزہ موافق آثار قبول اولنور.
درج ایدلین اوراق اعاده اولماز.

نسخه سی ۱ غروش

پنجشنبه کونلری نشر اولنور ادبی، فنی و صناعی غزیه در

نسخه سی ۱ غروش

بر مطالع

کوزم باقیچه قاراردی سیاه کوزلرکه،
بایلدیم، آه! اوسماوی نگاه کوزلرکه!



« تاریخ طبیعیه بر صمیمه »


حشرات صفيحويه

اخیراً فرانسه فنون اقامه میسنگ پیش
انظار تدقیقه قونیان برنوع بوجک غرائب
طبیعیه دن عدولنه جق خصایصی حاز کورلمش
وشمدیه قدر اوروپاده انجق درت دفعه
قدر تماشا اولنه بیلدیکی ایچون اهمیتله تلقی
اولمشدر. بو بوجکار حشراتک صفيحوی
جنسندن (Phyllie) فیلمی) یعنی یاپراق اسمی
ویریلان حیوانجق قدرکه عادیه بر نبات یاپراغی
ایله یینلرنده همان هیچ بر فرق یوقدر بر
درجه ده که فرانسه اقامه میسنه پورتقاله
شیده اوراق بر فدان اوزرنده اوله رق
کتیرلکلی زمان اعضادن بر چوقلری
طرفدن کمال اعتنا ایله آرانلقلری حالده
گاه یاپراق ظن ایدلمش وگاه نباتک یاپراقلری
فیلمی ظنیه قویارلغه قیام ایدلمشدر. جاوا
آطه لرنده بو حیوانجقزلری بالخاصه یتشدره رک
بعض چیچک ساقسیلری بونلرله تزیین
ابتدکاری بیان ایدلمکده در. فیلملرک طیش
قنادلری کندیلری طورورکن بر برینه یقین
بر وضعیتدرکه اوزرلرنده اینجه طمارلری
حاوی اولدقلرندن اوت یاپراغندن پک کوچ
تفریق اولنورلر. آقاده می اعضاسنک بونلری

یاپراقلرندن تفریق ایدمه ماکده کی معذرتلری
درکار اولوب چونکه بونلر بیله بر برینی
یاپراقدن فرق ایدمه مدکاری بعضاً یکدیگرینک
قنادلری کیرمه لرندن استدلال اولنور. بوکا
نظراً لذتجده بونلرک قنادیله یاپراق ییننده
فرق اولدیغنی قبول ایتمک لازم کاور.
فیلملرک ازکنکاری قنادلریله برمدتجک اوچه
بیولرلر ایسده دیشیلری یالکز برقات قناده
مالک اوله رق اوچقدن محرومدلر. بو
حیوانلر اوقیانوسیه اطلرلرندن بعضریله
آسیانک بعض سواحلنده یاشارلر. اوروپایه
ایلمک دفعه اوله رق ۱۸۸۵ سنه سننده کتیر
لمشدرده انجق ۱۸۸۷ سنه سننده یتشدریله
ییشدرلر. سنه مزبورده نانس شهرنده بر
مقدار فیلمی یورطه سی ۲۶ ایله ۳۰ درجه
حرارت آراسنده بش کون طوتیله رق
بونلردن التمش قدری الیه ایدلمشدر.
فیلملرک یورطه دن ظهورلری انساننده کی
رنکلری یشیل اولیوب قرمزیدر.
بعده بورنک صاریه تحول ایدوب نهایت
ایلمک توی دکشدرلیدیکی انسانده یشیلی
اولورکه هر توی دکشدرمده بورنک تراید
ایدر. بو حیوانک یاپراقله اولان مشابهتی بر
چوق جهتی جامع اولوب حتی رنکینک
ماده سنی تشکیل ایدن شینک بیله یاپراقده کی
ماده ملونه دن فرقی بولنه ماشدر. یاپراقلرک
قلوروفیل نامی ویریلان ماده ملونه لرندن
شمده یه قدر پک آز بعض حیوانلرده وجودی
نادراً مشاهده اولمشده ماده مذکورنک
دائماً عارض اولدینی کورلمشدر. حال بوکه
فیلملر قلوروفیلی معاملات عضویه لریله
تشکیل ایدمه رک کندیلرینک بر عنصر اصلیری
اوله رق وجودلرنده بولندیرلر.
بو حیوانلرک کندیلری یاپراغه مشابه
اولدقلری کی یورطه لریده تمام بعض حیوانه
مماثلدرکه بوده باشلیجه برغراتی حازدر.
حیوانات مذکورده دن بعضلرینک

فرانسده یقینده کشاد ایدیه جک اولان
زراعت سرکیسنه وضع ایدلملری حقنده بعض
تکلیفات درمیان اولمشدر.

ج. ا.



توتونک کثرت استعمالی

افراطک هر شیده مضر اولدینی مسلم
انام اولقله برابر بو حقیقتک فعلاً ادراک
انسانلره بضایک بهالی او طوردیغنی اعتراف
ایتمک لازمدر. توتونی کثرتله استعمال ایدنلری ده
بو جهلده دن اوله رق تعداد ایتلیدر. زیرا بونلرک
کوکسلری شیشیره رک آغز طولوسی سیغاره
دومانلری طاتلی طاتلی صاوردقلری زمان
یتشدرلرکی قی بو یوزدن بالاخره دوچار
اولدقلری معدده خسته لقلری، کوکس آغریلری،
غیر منتظم خجان قلبلر، نبض انقطاعلری
وشاشقینلق، سرسملک کبی خسته لقلرله پک
غالی اوله رق تأدیه به مجبور اولدقلری
کورلمکده در. توتونی کثرتله استعمال ایدن
تیراکیلرک دوچار اولدقلری علل واسقامدن
طبابتک بو یقینلرده وقع بحث و تدقیقه قویدینی
یکی بر مرض ده مصادف نظر مطالعه من
اولدی که بوده قوه حافظه نک دوچار اولدینی
بحران دخانیدر. طباً بر مرض مخصوص
اوله رق تلقی اونان شو حالک باشلیجه علامتی
سکته کلام اولوب تیراکیلرده کثرت استعمال
دخانک موجب اولدینی تسیم بطی نتیجه سی
اوله رق حصول بولور. بو مرضه دوچار
اولان انشای تکلمده افاده مرام ایچون
استعمالی تصور ایتدیکی کلانلر بعضلرینی
حافظه سننده بولمه یه رق بردن بره سکته یه
دوچار اولور. بعضاً آزادیغنی کللرک دینک
اوچه قدر کلدیکنی حس ایدر ایسده ممکن
دکل افاده یه مقتدر اوله میوب اولانجه حافظه سنی
طوبیلامو ایچون یهوده یره یورولور. و